



Ein cyf/Our ref JB-PO-27-26

John Griffiths AS
Cadeirydd
Y Pwyllgor Llywodraeth Leol a Thai

John.Griffiths@senedd.wales

21 Ionawr 2026

Annwyl John,

Ar 17 Rhagfyr cyhoeddodd y Comisiwn Etholiadol ei [adroddiad gwerthuso](#) o'r cynlluniau peilot Cofrestru Pleidleiswyr yn Awtomatig (AVR) a gynhaliwyd yn Sir Gaerfyrddin, Gwynedd, Casnewydd a Phowys y llynedd. Defnyddiodd y cynlluniau peilot ddulliau paru data lleol i adnabod etholwyr cymwys ar gyfer y gofrestr llywodraeth leol. Mewn tair ardal, hysbyswyd etholwyr am y bwriad i'w cofrestru, a'u hychwanegu at y gofrestr, os nad oeddent yn optio allan o fewn cyfnod penodol. Rwy'n ddiolchgar iawn i'r awdurdodau hynny am gyd-gynhyrchu a chyflwyno'r cynlluniau peilot hyn gyda Llywodraeth Cymru.

Mae'r gwerthusiad yn amlinellu manteision y dull a dreialwyd, gan gynnwys ychwanegu ychydig dros 14,500 o etholwyr newydd a 1,500 o bobl ifanc 14-15 oed, a fydd yn cael eu cofrestru unwaith y byddant yn troi'n 16 oed, at y gofrestr llywodraeth leol.

Mae'r gwerthusiad hefyd yn gwneud nifer o argymhellion ar gyfer y dyfodol, gan gynnwys:

- amseru'r broses AVR i gyd-fynd â'r canfasiadau blynyddol (gwiriad blynyddol o gywirdeb a chyflawnrwydd y cofrestrau etholiadol);
- lleihau hyd y cyfnod optio allan o 60 diwrnod;
- gwella effeithlonrwydd meddalwedd paru data; a
- sicrhau bod gan Swyddogion Cofrestru Etholiadol yr adnoddau priodol i reoli'r broses.

Cyhoeddwyd [Datganiad Ysgrifenedig](#) ar yr adroddiad gwerthuso ar 17 Rhagfyr ac rwy'n bwriadu cyflwyno is-ddeddfwriaeth i ddatblygu AVR, a'r bwriad yw gweithio tuag at ei weithredu mewn pryd ar gyfer yr etholiadau lleol yn 2027. Mae hyn yn cynnwys rheoliadau i ddiddymu'r gofrestr olygedig ar gyfer etholiadau llywodraeth leol yng Nghymru, a gorchymyn i gychwyn adrannau 3 a 4 o Ddeddf Etholiadau a Chyrff Etholedig (Cymru), y byddaf yn edrych i'w cyflwyno cyn diwedd tymor y Senedd hon.

Canolfan Cyswllt Cyntaf / First Point of Contact Centre:
0300 0604400

Bae Caerdydd • Cardiff Bay
Caerdydd • Cardiff
CF99 1SN

Gohebiaeth.Jayne.Bryant@llyw.cymru
Correspondence.Jayne.Bryant@gov.Wales

Rydym yn croesawu derbyn gohebiaeth yn y Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

Byddwn hefyd yn parhau i weithio gyda Llywodraeth y DU, a gyhoeddodd ym mis Gorffennaf eu huchelgais i symud tuag at gofrestru awtomataidd. Bydd ystyried y rhyngweithio rhwng prosesau cofrestru a gedwir yn ôl a phrosesau cofrestru datganoledig yn rhan allweddol o hynny.

Ar y cyfan, rwy'n falch iawn o sut y cynhaliwyd y cynlluniau peilot a'r mewnwelediad y maent wedi'i ddarparu. Byddaf yn ystyried argymhellion y Comisiwn Etholiadol yn fanwl dros y misoedd nesaf ac yn parhau i ymgysylltu â rhanddeiliaid etholiadol i ddatblygu'r model mwyaf effeithiol ar gyfer cyflwyno AVR ar draws Cymru. Byddwn yn hapus i drefnu sesiwn frifio i Aelodau ar AVR yn dilyn y gwaith hwn os byddai hynny'n ddefnyddiol.

Mae copi o'r llythyr hwn hefyd yn cael ei anfon i'r Pwyllgor Deddfwriaeth, Cyfiawnder a'r Chyfansoddiad er gwybodaeth.

Yn gywir,

A handwritten signature in black ink, reading 'Jayne Bryant'. The script is cursive and fluid, with the first name 'Jayne' and the surname 'Bryant' clearly distinguishable.

Jayne Bryant AS/MS

Ysgrifennydd y Cabinet dros Lywodraeth Leol a Thai
Cabinet Secretary for Housing and Local Government